



Borgarráð

Viðauki við samning vegna Food and Fun

Lagt er til að borgarráð samþykki hjálögð drög að viðauka við samning Reykjavíkurborgar vegna hátíðarinnar Food and Fun fyrir árið 2022. Viðaukinn felur í meginatriðum í sér að þar sem Food and Fun féll niður árið 2021 þá verði styrkur ársins 2021 færður til 2022 og viðburðurinn verði í stað þess haldinn í ár. Hátíðin er þekktur viðburður sem dregur að sér fjölda erlendra gesta en hátíðin hefur þann megintilgang að kynna Reykjavíkurborg og þá veitingamenningu sem þar er að finna.

Dagur B. Eggertsson
borgarstjóri

Hjálagt:

Viðauki við samning Food and Fun, drög.

Samningur Reykjavíkurborgar og Main Course ehf., dags. 5. febrúar 2020.

Reykjavíkurborg, kt. 530269-7609, Ráðhúsi Reykjavíkur, Tjarnagötu 11 og Main Course ehf., kt. 470104-2520, gera með sér eftirfarandi

VIÐAUKA VIÐ SAMNING

1. gr.

Í gildi er samningur milli Reykjavíkurborgar og Main Course ehf. dags. 5. febrúar 2020, í samræmi við samþykkt borgarráðs frá 23. janúar 2020, um stuðning til að standa straum af kostnaði við viðburðinn Food and Fun fyrir árin 2020 og 2021.

Í ljósi breyttra forsendna þar sem ekki varð af hátíðinni árið 2021 þá eru aðilar sammála um að framlengja gildistíma samnings þannig að hann gildi fyrir 2022 í stað 2021, þannig að samþykktur styrkur verði færður yfir á 2022 í stað 2021 og að hátíðin Food and Fun verði í stað 2021 haldin árið 2022. Breytingin felur ekki í sér aukið fjármagn. Með viðauka þessum eru gerðar eftirfarandi breytingar á framangreindum samningi þar sem greinum 1. og 3. er breytt:

2. gr.

Á 1. gr. verður sú breyting að í stað þess að Reykjavíkurborg leggi til fjárframlag til að standa straum af kostnaði við viðburðinn Food and Fun fyrir árið „2021“ kemur „2022“.

Á 3. gr. verður sú breyting í stað þess að samkomulagið gildi fyrir árið „2021 og Reykjavíkurborg greiði 2.500.000 kr. í styrk á ári, þá kemur „2022“.

3. gr.

Að öðru leyti en að framan greinir halda ákvæði samnings aðila frá 5. febrúar 2020 gildi sínu í öllum atriðum.

4. gr.

Viðauki þessi er gerður í tveimur samhljóða eintökum.

Undirritaðir aðilar staðfesta samning þennan með undirritun sinni í votta viðurvist.

Reykjavík, [DAGS.]

F.h. Main Course ehf.

F.h. Reykjavíkurborgar

Vottar að rétttri undirskrift, dagsetningu:

Nafn kt.

Nafn kt.

DRÖG

Reykjavíkurborg, kt. 530269-7609, Ráðhúsi Reykjavíkur, Tjarnagötu 11 og Main Course ehf., kt. 470104-2520, gera með sér eftirfarandi

Samkomulag

1. gr. Tilgangur og gildissvið

Reykjavíkurborg leggur til fjárframlag í þeim tilgangi að standa straum af kostnaði við viðburðinn Food and Fun árin 2020 og 2021. Viðburðurinn verður haldinn sem í 19. sinn í Reykjavík dagana 4.-8. mars 2020. Hátíðin er þekktur viðburður sem dregur að sér fjölda erlendra gesta. Hátíðin hefur þann megin tilgang að kynna Reykjavíkurborg og þá veitingamenningu sem þar er að finna. Áætlað er að hátíðin dragi að sér 12-15 þúsund manns.

3. gr. Skuldbindingar og greiðslur

Samkomulag þetta gildir fyrir árin 2020 og 2021 og greiðir Reykjavíkurborg Main Course ehf. kr. 2.500.000 í styrk á ári til að standa straum af kostnaði vegna kynningar hátíðarinnar, áfangastaðnum Reykjavík og veitingamenninningu hennar. Greiðsla skal fara fram gegn framvísun reiknings. Reikningurinn skal stílaður á Reykjavíkurborg, kt. 530269-7609. Nafn Main Course ehf., kennitala og heimilisfang skal einnig koma fram á reikningnum sem skal vera með fyrirfram prentuðu númeri nema Main Course ehf. hafi hlotið undanþágu frá því.

4. gr. Ábyrgðaraðilar og tengiliðir

Umsjón og eftirlit með framkvæmd samkomulags þessa annast skrifstofa borgarstjóra og borgarritara hjá Reykjavíkurborg og framkvæmdastjóri Main Course ehf. sem er tengiliður við Reykjavíkurborg.

5. gr. Eftirlit, eftirfylgni og kynningarmál

Að loknum starfsárum 2020 og 2021 skal Main Course ehf. skila Reykjavíkurborg árituðum ársreikningi og greina gerð um ráðstöfun fjárframlags Reykjavíkurborgar í síðasta lagi í maí hvers árs. Í samræmi við samþykkt borgarráðs frá 26. maí 2016 skal styrkþegi í greinargerð um ráðstöfun fjárframlags skila kyngreindum gögnum um þá sem eltir atvikum veita eða njóta tiltekinnar þjónustu eða gæða vegna styrkveitingarinnar og sérstaklega verði greint frá því hvaða áhrif framlagið hefur á stöðu jaðarsettra hópa fólks sbr. mannréttindastefna Reykjavíkurborgar

Main Course ehf. skal í kynningum á styrktum verkefnum geta þess að þau séu styrkt af Reykjavíkurborg.

7. gr. Fyrirvarar, vanefndir og meðferð deilumála

Samkomulag þetta er gert með fyrirvara um samþykki borgarráðs og með fyrirvara um fjárheimildir samkvæmt fjárhagsáætlun Reykjavíkurborgar.

Reykjavíkurborg áskilur sér rétt til að rifta samkomulagi þessum og/eða krefjast endurgreiðslu ef sannanlega er um forsendubrest eða vanefndir að ræða af hálfu Main Course ehf. Telji annar

samstarfsaðili sig ekki geta uppfyllt ákvæði samkomulags þessa skal tilkynnt um það tafarlaust skriflega. Ef fjárframlag frá Reykjavíkurborg er notað í öðrum tilgangi en samkvæmt samkomulagi þessu eða á þann hátt að gengur í berhögg við markmið og stefnu Reykjavíkurborgar áskilur Reykjavíkurborg sér rétt til að rifta samkomulaginu og/eða krefjast endurgreiðslu framlagsins að hluta eða öllu leyti þegar í stað.

Rísi mál vegna efnda samkomulagsins skal það rekið fyrir Héraðsdómi Reykjavíkur.

8. gr. Framsal


Main Course ehf. er óheimilt að framselja skyldur sínar samkvæmt samkomulagi þessu án samþykkis Reykjavíkurborgar. Samkomulag þetta er gert í tveimur eintökum og heldur hvor aðili sínu eintaki.

Reykjavík, 5. febrúar 2020

F.h. Main Course ehf.



F.h. Reykjavíkurborgar



Vottar að réttri undirskrift, dagsetningu:

Daquý Ingad. 170579-3720

Nafn

kt.

Balde Örn Arsen 010183-4499

Nafn

kt.